

**“МОНГОЛ УЛСЫН ЗАСГИЙН ГАЗРЫН 2024-2028 ОНЫ ҮЙЛ АЖИЛЛАГААНЫ
ХӨТӨЛБӨР”-ИЙН 2025 ОНЫ ЖИЛИЙН ЭЦСИЙН ХЭРЭГЖИЛТЭД ХИЙСЭН
ХЯНАЛТ-ШИНЖИЛГЭЭНИЙ ТАНИЛЦУУЛГА**

Монгол Улсын Их Хурлын 2024 оны 21 дугаар тогтоолоор баталсан “Монгол Улсын Засгийн газрын 2024-2028 оны үйл ажиллагааны хөтөлбөр”-ийн 2025 оны жилийн эцсийн хэрэгжилтэд хяналт, шинжилгээ хийж, дүнг танилцуулж байна.

Нэг. Хяналт-шинжилгээний зорилго

Төлөвлөгөөний 2025 оны гүйцэтгэлийн жилийн эцсийн байдлаарх хэрэгжилтийг хянах, арга хэмжээ тус бүрийн шалгуур үзүүлэлтийн хүрсэн түвшинг тодорхойлж, шаардлагатай дүгнэлт, санал, зөвлөмж боловсруулах, хэрэгжилтийг хангах, шийдвэр гаргах түвшинд мэдээлэл, арга зүйн дэмжлэг үзүүлэх, зөв чиглүүлэх бодлого хэрэгжүүлэгч байгууллагын үүрэг, хариуцлагыг дээшлүүлэхэд оршино.

Хоёр. Арга зүй

Монгол Улсын Засгийн газрын 2024-2028 оны үйл ажиллагааны хөтөлбөрийн 2025 оны жилийн эцсийн хэрэгжилтэд хяналт-шинжилгээг хийхдээ 2025 оны 01 дүгээр сарын 29-ны өдрийн Засгийн газрын 43-р тогтоолоор баталсан “Хяналт-шинжилгээ хийх журам”-ын 6.1-т заасан аргачлалаар буюу төсөл, арга хэмжээ, шалгуур үзүүлэлтийн хэрэгжилтэд хяналт-шинжилгээ хийж, 6.4, 6.5-т заасны дагуу үр дүнг дүгнэсэн.

Гурав. Хяналт-шинжилгээний үр дүн

3.1. Монгол Улсын Засгийн газрын үйл ажиллагааны 2025 оны хөтөлбөрт тусгагдсан төсөл, арга хэмжээний хэрэгжилт

Бүсчилсэн хөгжлийн бодлогын хүрээнд 3 төсөл арга хэмжээ, Эдийн засгийн бодлогын хүрээнд 38 төсөл арга хэмжээ, хүний эрхийг дээдэлсэн засаглалын бодлогын хүрээнд 10 төсөл арга хэмжээ тусгагдсан бөгөөд хөтөлбөрийн эхний хагас жилийн хэрэгжилтийн явц дунджаар 78.6 хувьтай байна.

Дээрх төсөл арга хэмжээг журмын 6.3-т заасны дагуу хэрэгжих хугацаа дууссан, хугацаа дуусаагүй буюу хэрэгжиж байгаа гэж ангилж, дүгнэхэд 51 төсөл арга хэмжээ хэрэгжих хугацаа дуусаагүй буюу хэрэгжиж байгаа гэсэн ангилалд байна.

Хүснэгт 1.Хэрэгжиж байгаа төсөл, арга хэмжээний дундаж үнэлгээ

Ангилал	Үнэлгээ	Арга хэмжээний тоо	Нийт арга хэмжээнд эзлэх хувь /%/
Үр дүн гарсан	85%	27	52.9
Үр дүн хүлээгдэж байгаа	60-84%	3	5.8
Үр дүн хангалтгүй	30-59%	4	7.8
Үр дүн гараагүй	0-29%	6	11.7
Хугацаа болоогүй	-	11	21.5
Дүн		51	100

3.2. Монгол Улсын Засгийн газрын 2024-2028 оны үйл ажиллагааны хөтөлбөрт тусгагдсан шалгуур үзүүлэлтийн хэрэгжилт

Бодлого үр дүнгийн 11 шалгуур үзүүлэлт, Төсвийн ерөнхийлөн захирагчийн үр дүнгийн 3 шалгуур үзүүлэлт, хөтөлбөрийн үр дүнгийн 6 шалгуур үзүүлэлт нийт 20 шалгуур үзүүлэлт эрхлэх асуудлын хүрээнд батлагдсан.

Шалгуур үзүүлэлтийн хэрэгжилтийг 3 үр дүн тус бүрээр дүгнэхэд бодлогын шалгуур үзүүлэлтийн хэрэгжилт 82.5 хувь, Төсвийн ерөнхийлөн захирагчийн үр дүнгийн шалгуур үзүүлэлт 90.0, хөтөлбөрийн үр дүнгийн шалгуур үзүүлэлт 96.7 хувьтай байна.

Дөрөв. Дүгнэлт

“Монгол Улсын Засгийн газрын 2024-2028 оны үйл ажиллагааны хөтөлбөр”-т Эдийн засаг, хөгжлийн яамны эрхлэх асуудлын хүрээнд тусгагдсан үндсэн 51 арга хэмжээг Засгийн газрын 43-р тогтоолоор баталсан “Хяналт-шинжилгээ хийх журам”-ын 6.1-т заасан аргачлалын дагуу дүгнэсэн бөгөөд төсөл арга хэмжээний хэрэгжилт **78.6** хувь, буюу **“үр дүн хүлээгдэж байгаа”** гэж дүгнэгдлээ.

Тав. Зөвлөмж

Төлөвлөлтийг оновчтой болгох талаар:

1. Салбарын чиглэлээр тухайн жилд хэрэгжүүлэх төсөл, арга хэмжээ, түүний хүрэх үр дүнг төлөвлөхдөө урьдчилсан судалгаа, үнэлгээг хийж, тухайн арга хэмжээг хэрэгжүүлэх үйл явц, шат дараалал, хэрэгжих хугацаа, гарах үр дүн, өмнөх жилийн гүйцэтгэл, тулгарсан асуудал зэргийг нарийвчлан судалж, төсөл, арга хэмжээ болон түүний хүрэх түвшинг оновчтой төлөвлөх;

2. Төлөвлөгөө, хөтөлбөрийн төсөл, арга хэмжээг боловсруулахад үндсэн болон хамтрагч байгууллагууд идэвх санаачилгатай оролцож, хамтран ажиллах хүрээ, хязгаарыг нарийн тохирох.

Тайлагналтыг сайжруулах талаар:

1. Дотоод бүтцийн нэгжүүд **med.igovernment.mn-д** заасан хугацаанд тайлагнаж хэвших;
2. Тухайн арга хэмжээний хүрээнд бодит гарсан үр дүн, хийж хэрэгжүүлсэн ажил, арга хэмжээ, холбогдон гарсан санхүүжилтийн гүйцэтгэл зэргийг иж бүрэн тайлагнаж, тайлагналын чанар стандартыг хангах;
3. Бодлогын баримт бичигт туссан арга хэмжээний хэрэгжилтийн тайланг тайлагнах чиг үүрэгтэй албан хаагчид хариуцлагатай хандаж, нэгжүүд харилцан уялдаатай байж, журамд заасан цаг хугацааг баримтлах.